

manna hefur m.a. skýrt frá því hjá RLR að forsvarsmenn félagsins og kærði hafi vísvitandi og að því er ætla verður í blekkingarskyni rangfært eða beitt sér fyrir rangfærslu reikningsuppgjörs félagsins og ennfremur sammælst um rangan framburð fyrir skiptarétti þar að lútandi.

Með gæsluvarðhaldskröfu RLR var lögð fyrir dóminn fyrrgreind skýrsla skiptaráðandans í Reykjavík, bréf ríkissaksóknara, framburðarskýrslur ofangreindra sex manna hjá RLR ásamt úrskurðum og skýrslum um húsleit hjá þremur þeirra.

Af hálfu kærða hefur verið á það bent, að um 5½ mánuður er liðinn síðan bú Hafskips h/f var tekið til gjaldþrotaskipta og að kærði hafi afhent skiptaráðanda þau gögn, sem farið hefur verið fram á, hann hafi gefið skýrslu í skiptarétti og enn fremur að öðru leyti sýnt fyllsta samstarfsvilja. Þar að auki hafi RLR nú lagt hald á þau gögn sem kærði hafði enn í fórum sínum. Er því haldið fram að skilyrði 1. tl. 1. mgr. 67. gr. laga nr. 74/1974 séu ekki fyrir hendi.

Með hliðsjón af gögnum málsins og því, sem að framan er rakið, og með vísan til 1. tl. 1. mgr. 67. gr. laga nr. 74, 1974, þykir rétt að taka kröfu RLR um gæsluvarðhald til greina að fullu.

Ú r s k u r ð a r o r ð:

Kærði, Helgi Magnússon, skal sæta gæsluvarðhaldi allt til miðvikudagsins 25. júní 1986 kl. 17:00.

Fimmtudaginn 29. maí 1986.

Nr. 162/1986. **Ákærvaldið**

gegn

Páli Braga Kristjónssyni.

Kærumál. Gæsluvarðhald.

Dómur Hæstaréttar.

Mál þetta dæma hæstaréttardómararnir Halldór Þorbjörnsson, Guðmundur Jónsson og Guðmundur Skaftason.

Varnaraðili hefur með heimild í 3. tl. 172. gr. laga nr. 74/1974 skotið hinum kærða úrskurði til Hæstaréttar með kæru 21. þ.m. er barst Hæstarétti 23. þ.m. Krefst hann þess að úrskurðurinn verði úr gildi felldur. Þá krefst hann kærumálskostnaðar. Af hálfu ákærvalds er þess krafist að úrskurðurinn verði staðfestur.

Svo sem greinir í hinum kærða úrskurði er rökstuddur grunur á að varnaraðili kunni að hafa framið brot er varðað geta fangelsi. Þá ber einnig að fallast á að nauðsyn hafi verið á því skv. 1. tl. 67. gr. laga nr. 74/1974 að koma í veg fyrir að varnaraðili gæti torvelað rannsókn málsins, svo sem með því að bera sig saman við meðkærðu og aðra. Þykir mega staðfesta úrskurðinn, þó með þeirri breytingu að gæsluvarðhald varnaraðila skuli standa til miðvikudagsins 11. júní nk.

Kærumálskostnaður verður ekki dæmdur.

D ó m s o r ð:

Hinn kærði úrskurður er staðfestur með þeirri breytingu að gæsluvarðhald varnaraðila, Páls Braga Kristjónssonar, standi til miðvikudagsins 11. júní nk. kl. 17.

Úrskurður sakadóms Reykjavíkur 21. maí 1986.

Ár 1986, miðvikudaginn 21. maí er á dómþingi sakadóms Reykjavíkur, sem háð er í Borgartúni 7 af Ágústi Jónssyni aðalfulltrúa, kveðinn upp úrskurður þessi.

RLR hefur með vísan til 1. tl. 1. mgr. 67. gr. laga nr. 74, 1974 krafist þess að kærði, Páll Bragi Kristjónsson, fæddur 7.2. 1944, Fossagötu 8, Reykjavík, verði úrskurðaður til að sæta gæsluvarðhaldi allt til miðvikudagsins 25. júní 1986 kl. 17:00 vegna gruns um brot gegn XVII. og XXVI. kafla alm. hegningarlaga.

Kærði hefur mótmælt gæsluvarðhaldskröfunni.

Málavextir:

Með úrskurði skiptaréttar Reykjavíkur, uppkveðnum hinn 6. desember 1985, var bú Hafskips h/f, Reykjavík, tekið til gjaldþrotaskipta. Umfangsmikil rannsókn á málefnum búsin hefur farið fram fyrir skiptarétti. Með vísan til 4. tl. 88. gr. laga nr. 6, 1978 sendi skiptaráðandinn ríkissaksóknara skýrslu, dags. 6. þ.m., um rannsókn skiptaréttar á gjaldþroti Hafskips h/f. Með bréfi ríkissaksóknara til RLR, dags. 7. þ.m., er mælt fyrir um um-

fangsmikla rannsókn á ætluðum brotum forráðamanna og starfsmanna Hafskips h/f og Útvegsbanka Íslands gegn XIV., XV., XVII. og XXVI. kafla alm. hegningarlaga.

Í skýrslu skiptaráðanda er greint frá mörgum atriðum sem vekja grun um stórfellt misferli forráðamanna og starfsmanna Hafskips h/f. Fyrir-sjáanleg er umfangsmikil gagnaöflun og rannsókn RLR, m.a. á eftirtöldum atriðum.

A. Ætluð brot tengd reikningsskilum og áætlanagerð.

Grunur leikur á, að á árinu 1984 hafi verið útbúnir uppgjörssreikningar mismunandi efnis, annar handa forráðamönnum Hafskips h/f, og hinn, sem sýndi betri afkomu, handa öðrum, þ.á m. Útvegsbanka Íslands. Virðist niðurstaða svokallaðs milliuppgjörs hafa verið vísvitandi rangfærð og síðan hagnýtt félaginu til hagsbóta.

B. Ætluð brot, er tengjast verðmætamati eigna.

Forráðamenn Hafskips h/f eru grunaðir um að hafa vakið og hagnýtt sér rangar hugmyndir forráðamanna Útvegsbanka Íslands um verðgildi eigna félagsins sem voru til tryggingar lánum og ábyrgðum bankans, bæði að því er varðar skip félagsins og lausafé. Virðist m.a. hafa vantað allt að kr. 170.000.000 til þess að markaðsverð skipanna stæði undir skuldbindingum.

C. Ætluð brot tengd hlaupareikningum í vörslum forráðamanna Hafskips h/f.

Ástæða þykir til að ætla að forráðamenn Hafskips h/f, þ.á m. kærði Páll Bragi, hafi misfarið verulega með sérstaka hlaupareikninga, sem voru á nafni félagsins, en í vörslu þeirra.

Auk þess, sem að framan greinir, er rannsókn RLR ætlað að taka til annarra viðamikilla þátta sem tengjast rekstri Hafskips h/f, svo sem ætlaðra brota í tengslum við bifreiðakaup fyrirsvarsmanna félagsins, veitingu afsláttar og eftirgjafar flutningskrafna, greiðslu ferðakostnaðar, viðskipta við Reykvíska endurtryggingu h/f, ráðstöfun skuldabréfa vegna hlutafjárukningar o.fl.

Kærði Páll Bragi hóf störf hjá Hafskip h/f í nóvember 1981 sem deildarstjóri skipulags- og hagdeildar. Hann var fjármálastjóri félagsins frá miðju ári 1982 fram í júní 1983 en framkvæmdastjóri fjármála- og stjórnunarsviðs eftir það þar til hann lét af störfum í mars 1985. Hann hefur verið yfir-heyður í skiptarétti Reykjavíkur og hjá RLR um nokkur hinna ætluðu brota. Hann hefur m.a. borið, að hann hafi einungis borið „verkstjórnarlega“ ábyrgð á gerð rekstraráætlana og reikningsskilum, en ekki unnið verkin sjálfur nema að mjög takmörkuðu leyti. Hann hefur ekkert getað

borið um eða gert viðhlítandi grein fyrir mörgum þeirra atriða sem rannsókn RLR hefur beinst að til þessa.

Kærði er grunaður um aðild að brotum sem geta varðað fangelsisrefsingu samkvæmt XV., XVII. og XXVI. kafla alm. hegningarlaga. Framundan er mjög viðamikil rannsókn á umfangsmiklu sakarefni þar sem margir koma við sögu en ekki er ljóst á þessu stigi rannsóknarinnar hver þáttur hvers um sig kann að vera í hinum ætluðu brotum. RLR gerði í gær kröfu um gæsluvarðhald á hendur fjórum forsvarsmönnum og endurskoðanda Hafskips h/f auk kærða, sem grunaðir eru um aðild að hinum ætluðu brotum. Einn þessara manna hefur m.a. skýrt frá því hjá RLR að forsvarsmenn félagsins hafi vísitandi og að því er ætla verður í blekkingarskyni rangfært reikningsuppgjör félagsins, og ennfreður sammælt um rangan framburð fyrir skiptarétti þar að lútandi.

Með gæsluvarðhaldskröfu RLR var lögð fram fyrrgreind skýrsla skiptaráðandans í Reykjavík, bréf ríkissaksóknara, framburðarskýrslur ofangreindra sex manna hjá RLR ásamt úrskurðum og skýrslum um húsleit hjá þremur þeirra.

Með hliðsjón af gögnum málsins og því, sem nú hefur verið rakið og með vísan til 1. tl. 1. mgr. 67. gr. laga nr. 74, 1974, þykir rétt að taka kröfu RLR um gæsluvarðhald til greina að fullu.

Úrskurðarorð:

Kærði, Páll Bragi Kristjánsson, skal sæta gæsluvarðhaldi allt til miðvikudagsins 25. júní 1986, kl. 17:00.